

জিপিএ-৫ পেয়েছে ৬০১ জন
কুমিল্লা বোর্ডে পাসের
হার ৬৬.৯৯ শতাংশ
জিপিএ শীর্ষে-ভিক্টোরিয়া কলেজ
কুমিল্লা থেকে চাক রিপোর্টার

এ বছর অনুষ্ঠিতব্য এইচএসসি পরীক্ষার ফলাফলে কুমিল্লা শিক্ষা বোর্ডে বিজ্ঞান ও ব্যবসায় শিক্ষা বিভাগে সবচেয়ে ভালো ফল করেছে শিক্ষার্থীরা। এ দুটি বিভাগে পাসের হারের দিক থেকে এগিয়ে আছে মেয়েরাই। এবারে কুমিল্লা শিক্ষা বোর্ডে পাসের হার ৬৬ দশমিক ৯৯। কুমিল্লা শিক্ষা বোর্ডে এবার জিপিএ-৫ পেয়েছে ৬০১ জন। এর মধ্যে ৩৬৯ জন ছেলে এবং ২৩২ জন মেয়ে। বোর্ডে সবচেয়ে বেশী জিপিএ-৫ পেয়েছে কুমিল্লা ভিক্টোরিয়া কলেজ। এ কলেজ থেকে পৃঃ ১২ কঃ ৪৪

জিপিএ-৫
ঢাকা বোর্ডের শীর্ষ
১০ প্রতিষ্ঠান
চাক রিপোর্টার

২০০৪ সালের ১০টি শিক্ষা বোর্ডের এইচএসসি পরীক্ষায় ফলাফলে জিপিএ-৫ প্রাপ্তির দিক থেকে সেরা দশটি শিক্ষা প্রতিষ্ঠানকে চিহ্নিত করা হয়েছে। এদের মধ্যে বেশ কয়েকটি শিক্ষা প্রতিষ্ঠান জিপিএ-৫ এবং শতভাগ পাস উভয় ক্ষেত্রেই সেরা দশে স্থান করে নিয়েছে। কমপক্ষে ৪০ জন শিক্ষার্থী পরীক্ষায় অংশগ্রহণ করেছে এমন শিক্ষা প্রতিষ্ঠানকেই কেবল সেরা দশ তালিকায় বিবেচনা করা হয়েছে। পৃঃ ১২ কঃ ৪৬

কুমিল্লা বোর্ডে পাসের
১৬-এর পৃষ্ঠার পর

জিপিএ-৫ পেয়েছে ১৫৮ জন। জিপিএ-৫ প্রাপ্তির দিক থেকে দ্বিতীয় স্থানে রয়েছে ইশাহাদী পাবলিক স্কুল এন্ড কলেজ। এ কলেজ থেকে ৭৪ জন জিপিএ-৫ পেয়েছে এবং শতভাগ পাস করা কলেজগুলোর মধ্যে প্রথম স্থানেও রয়েছে কলেজটি। শতভাগ পাসের দ্বিতীয় স্থানে ঢাকা কুমিল্লা ক্যান্টনমেন্ট কলেজ থেকে ৩৬ জন জিপিএ-৫ পেয়ে তৃতীয় স্থানে রয়েছে।

কুমিল্লা বোর্ডে সেরা দশ
এবারের এইচএসসি পরীক্ষায় ফলাফলে দিক থেকে কুমিল্লা বোর্ডের সেরা দশটি কলেজের মধ্যে কুমিল্লা জেলারই রয়েছে চারটি কলেজ। এর মধ্যে কুমিল্লা সরকারী ভিক্টোরিয়া কলেজ তালিকার শীর্ষে রয়েছে। এ কলেজ থেকে ১ হাজার ৩৫৯ জন পরীক্ষার্থী অংশ নিয়ে ১ হাজার ১৬১ জন উত্তীর্ণ হয়েছে। জিপিএ-৫ পেয়েছে ১৫৮ জন। সেরা দশের দ্বিতীয় স্থানে ইশাহাদী পাবলিক স্কুল এন্ড কলেজ। ২০৭ জন পরীক্ষার্থীর সবাই উত্তীর্ণ হয়েছে। জিপিএ-৫ এর সংখ্যা ৭৪ জন। তৃতীয় স্থানে কুমিল্লা ক্যান্টনমেন্ট কলেজ। ৪৫ জন পরীক্ষার্থীর মধ্যে সবাই উত্তীর্ণ হলেও জিপিএ-৫ পেয়েছে ৩৬ জন। ৫ম স্থানে রয়েছে কুমিল্লার মুরাদনগর উপজেলার অধ্যাপক আবদুল মলিন কলেজ। ৪৮৭ জন পরীক্ষার্থীর মধ্যে উত্তীর্ণ হয়েছে ৪২০ জন। জিপিএ-৫ পেয়েছে ২৩ জন। এছাড়াও নোয়াখালী জেলা সদরের নোয়াখালী সরকারী কলেজ চতুর্থ স্থানে রয়েছে। এ কলেজ থেকে জিপিএ-৫ পেয়েছে ২৬ জন। ষষ্ঠ স্থানে ফেনী সদরের ফেনী সরকারী কলেজ। এ কলেজে জিপিএ-৫ এর সংখ্যা ২২ জন। ব্রাহ্মণবাড়িয়া জেলার কাজী মোহাম্মদ শফিকুল ইসলাম কলেজ, চাঁদপুর জেলার ডাল-আমীন প্রক্যাডেমী, বেগমগঞ্জ নোয়াখালী জেলার চৌমুহনী সরকারী এসএ কলেজ, চাঁদপুর জেলার সরকারী মহিলা কলেজ পর্যায়ক্রমে সেরা দশের তালিকায় নিজেদের স্থান করে নিয়েছে।

ঢাকা বোর্ডের শীর্ষ
১৬-এর পৃষ্ঠার পর

ঢাকা শিক্ষা বোর্ডে জিপিএ-৫ এর সেরা দুই তালিকায় ঢাকা মহানগরীর কলেজগুলো স্থান পেয়েছে। রাজধানীর বাইরের কোম-কলেজ এই তালিকায় নেই। বীরশ্রেষ্ঠ নূর মোহাম্মদ রাইফেলস পাবলিক স্কুল এন্ড কলেজ ঢাকা শিক্ষা বোর্ডে একমাত্র শিক্ষা প্রতিষ্ঠান হিসেবে শতভাগ পাস ও সেরা দশ তালিকায় স্থান করে নিয়েছে।

জিপিএ-৫ হিসেবে শীর্ষস্থান অধিকার করেছে নটরডেম কলেজ। এখান থেকে ২ হাজার ৩২৬ জন পরীক্ষা দিয়ে পাস করেছে ২ হাজার ২৯৭ জন। এর মধ্যে জিপিএ-৫ পেয়েছে ১ হাজার ২০৭ জন। পাসের হার ৯৮ দশমিক ৭৫ ভাগ। দ্বিতীয় স্থানে রয়েছে ঢাকা সিটি কলেজ। এখান থেকে ২ হাজার ৪৯২ জন শিক্ষার্থী পরীক্ষায় অংশ নিয়ে পাস করেছেন ২ হাজার ৪৭১ জন। জিপিএ-৫ পেয়েছে ৯০৪ জন। তৃতীয় স্থান অধিকার করেছে ডিকারনিসা নূন কলেজ। ১ হাজার ১০৩ জন পরীক্ষা দিয়ে জিপিএ-৫ পেয়েছে ৫৩১ জন। চতুর্থ স্থানে রয়েছে বীরশ্রেষ্ঠ নূর মোহাম্মদ রাইফেলস পাবলিক স্কুল এন্ড কলেজ। শতভাগ পাসের ক্ষেত্রে সেরা দশ তালিকায় এই শিক্ষা প্রতিষ্ঠানের অবস্থান শীর্ষে। তালিকায় এরপর রয়েছে যথাক্রমে- ঢাকা কমার্স কলেজ, হুডিংস আইডিয়াল স্কুল এন্ড কলেজ, ঢাকা কলেজ, হুপিড্রস কলেজ, রাজউক উত্তরা মডেল স্কুল এন্ড কলেজ, মাইলস্টোন কলেজ এবং তালিকায় সব পোবে রয়েছে রেসিডেন্সিয়াল মডেল কলেজ-১।